



Skipa 1906
Bankgirokonto 3626.50.12552
www.mul.no

Mjeldalen Ungdomslag
V/ Jostein Mjelde
Hausvegen 44,
5286 HAUS.

10/11 -2020

Høyringsvar angående oppvekstun i Haus og flytting av mellomtrinnet ved Haus skule

Mjeldalen Ungdomslag har gjennom lang tid vore eit aktivt ungdomslag med stor deltaking i aldersgruppa f.o.m. 1. klasse og oppover til vaksen alder.

Ungdomshuset i Mjeldalen er ein arena der spesielt teater (barn, ungdom og vaksne) har stått i fokus, men også andre aktivitetar, som barnelag, diskotek, seniorlag, ola-billøp, danseoppvisningar, søndagskafè, smalahovefest, ungdomskveldar, etc.

Det me ser og erfarer er at ein god skule, slik som Haus skule er, er utruleg viktig for samhaldet i ei bygd. Skulen, saman med eit aktivt lokalsamfunn, engasjerte foreldre og mangfald i fritidsaktivitetar er med på å skapa ei levande bygd og eit flott Osterøysamfunn.

Me opplever at born og unge er stolte av å vera ein del av dette og dei inkluderar seg lett i miljøet. Me i ungdomslaget opplever også at våre aktivitetar er med på styrka sjølvkjensla, forebygga mobbing, utenforskap og likegyldighet. Dei bryr seg, tar vare på kvarandre og ungdomshuset er samtidig ein trygg stad for alle.

Desse verdiane kan ikkje målast i pengar, men er ein viktig faktor i kvar enkelt sin identitet og samspel for ei levande bygd og eit levande ungdomslag.

Om det vert ein realitet, at forslaget vedr. oppvekstun og flytting av mellomtrinnet vekk frå Haus, ser me med bekymring på utviklinga både for Haus og Osterøy.

Me er også bekymra for vår eigen eksistens og verdien av det frivillige arbeidet som har lagt grunnmuren for Mjeldalen ungdomslag.

Forutan den faste arenaen som det ein skule er, vert me lettare vekkgløymt og rekrutteringa vil avta. Felleskapet i denne aldersgruppa vil forringast og ein vil kunna oppleve ei flukt. Samtidig som tryggheten for denne viktige aldersgruppa vert sett på ein unødvendig stor prøve.

Eit anna moment er den lange skulevegen som igjen vil føra til at borna får redusert overskot til både lekser og fritidsaktivitetar. Dette vil medføre fråfall både i skulearbeid og sosiale fritidsaktivitetar.

Så vår forventning i Mjeldalen Ungdomslag er å bli høyrd, samtidig som kommunen må læra seg å verdsetja det frivillige arbeidet, tilbodet og aktivitetane langt meir enn det kommunen gjer i dag. Samtidig forventar me at Osterøy kommune skal vera ein kommune for alle og at kommunen tar vare på dei aktive og levande bygdene, slik som Haus er pr. i dag.

Mjeldalen ungdomslag jobbar dagleg dugnad både for liten og stor, noko som Osterøy Kommune skryt av i sin presentasjon av den flotte kommune me har.

La kommunen fortsetja å vera flott og inkluderande framfor å sakte men sikkert verte heilt usynlig.

I staden for å riva i filler det me gjennom mange år har bygd opp for både liten og stor, burde de heller takka oss for det me tilfører både Haus og Osterøy kommune.

Vår oppmoding er klar på at Haus skule må bestå slik den er i dag, og at Osterøy Kommune heller kan tenka utvikling av Haus bygda, med tilrettelegging for både bolig- og næringsareal framfør kortsiktig økonomisk brannsløkking.

Mvh

Styret i Mjeldalen Ungdomslag

v/ Jostein Mjelde

-leiar-